

葉文敏公集

葉文敏公詩

至都不見梁御史曰緝悵然作

秋日偶成四首

苔

戲題西樵長齋繡佛圖三首

簡青藏學士

阮亭以抱琴洗桐小像索題口占二絕

連日不見健菴編修今晨苦熱特甚走筆奉訊

詠漢史三首

送入京鄉人

病中效元白放言五首

又咏漢史三首

摸西樵考功誌文畢寄阮亭戶部

月下

立春日口號三長句

文三絕句

亮工石公二侍講裕菴檢討同坐花下

送魏中翰菴石從王師駐防山東

消息

喜元著待御出獄

咏唐史二首

蒼蠅

短髮

無題

中秋對月獨坐三首

飲亮工侍講庭菊下四首

富川令劉君菊詩

悶極對酒戲成此篇

阮亭入都久不相見悲喜交集即事四首

大雨屋壞說嚴學士貽詩相慰為賦六章奉答

讀阮亭蜀道集作

阮亭以人所贈山居圖示予有感題三絕

寄弟

同阮亭戶部湘北說嚴兩學士登慈仁寺閣

戲題堦前秋海棠

和阮亭秋日過予讀書齋兼懷汪大

宋史二首

感秋呈環溪先生

宿通州水月庵故人朱錫鬯客翼使君所帳不得

見寄以是詩

題水月菴壁時傷黃山先生之逝

成給事遺詩却贈四百字

梁水部贈洮河石硯歌

敬哉先生招飲容園即事二首

目暗

送徐生

大風效退之體二十四韻

王汝下第見過作

花下

阮亭相見誦雲翎詩不置戲作此貽阮亭并示雲

翎

寄家人

酬王汝孝廉

送孝感相公罷政歸楚

送成我存

飲王九青侍講齊次日有詩見示奉答

阮亭遣人告予云考選命下幼華得給事中敬芝  
亦授御史喜而賦此并呈阮亭

與友人飲酒五首

別敬芝侍御

予久慕浙東黃太冲先生四明董孝廉過訪知為  
太冲門人于其南行作此送之并寄黃先生

秋夜念漢書二首

往年謫官上林今秋再過其地戲題二絕

拜少宰孫先生墓

祠旁鴉

徐生入都即去詩以送之

歲暮漫成四首

次韻答山中人

董孝廉蒼水入都詩以訊之

淨業寺荷花

送劉毅論之唐山故相安丘公子

示周生惟念

汪舍人題畫

蒼水移鴉戲訊二首

蒼水遇寓招阮亭駿孫同飲前一日得細林山人

書

蒼水以答阮亭詩見示戲柬二首

送杜侍讀三絕句

同魏侍郎環溪先生寄李學士厚菴二首

偶成

水闊馬上口占

說巖先生書春帖見貽口占奉柬

和說巖先生丁巳除夕疊前韻見示

和說巖先生戊午元日再疊前韻見示

立春日五疊前韻柬說巖先生

贈高涪人

葉文敏公集

詩

余與鄱陵梁御史曰緝別八年奉至都謂必相見聞又請告先期行矣帳然有作

傳聞驃馬客復返舊樓山嵩洛悠悠外孤雲冉冉閒苦將遊子意遠戀故人顏相過無相識長吟自掩闌

秋日偶成四首

十月西風畫掩門眼看秋雨敗蘭蓀鳴蛩階下催愁急  
墮葉窓前破夢繁五鼎只堪烹主父一竿寧便困王孫  
邇邇敢自稱先覺隱几蕭條付不言

山自高高水自汙休將心事怨洪爐誰教枉刻三年楮  
自分終成五石瓠賣賦祇應招慳鵬魯戈難更返靈鳥  
與君細較窮通理集苑無如竟集枯

不知我者謂何求情恃誰憐國士憂白日可庶參蹕獻  
蒼天端合竟悠悠官倉時見群遊鼠閑道朝看獨上牛  
便令秦王自鞭石雖驅渤海更西流

生死浮常只欠伸二豪侍御盡非真直須醉我一千年  
何止容卿數百人偏反繆絲仍有路難危針孔豈無身  
相逢莫笑如弦直幾見橫底道上陳

鑿砌復緣廳淒涼不斷青雖非侵要路亦自占閒庭顏  
子操瓢菴楊家載酒亭尚堪留女在終歲共沈冥

戲題西樵長齋繡佛圖三首

如水臣門日下簾知君心性愛幽採退朝啟事方才了  
便與彌陀共一龕

妓房匣鏡終嫌癖酒庫封瓶亦太迷寄語街南王吏部  
不妨何肉更周妻

跌房可便了塵韋長日清齋結淨緣爭色謝空靈遲矣  
他時端只好生天

簡青嶽學士

百丈狂瀾手障餘一人嶽嶽衆誰如趨朝旂冕同嚴友  
下直門闌似隱居憂國終朝時減食致君半部只探書  
太平啟沃須相待肯使蒼生屬望虛

阮亭以艳文書坐底有閒情似此時早向虞廷傳一曲  
命試蜀將行口占二絕句題之

王郎日艳文書坐底有閒情似此時早向虞廷傳一曲  
熏風拂拂五條絲

蜀桐聞道產高岡居去應看百丈長休令兩川人士笑  
賞音只說蔡中郎

連日不見徒菴綱修今晨苦熱特甚走筆奉訊

我居帝城南君居帝城北閉戶十日散髮卧瘦馬不識  
東西陌美人娟娟隔清漢孤身欲傍無羽翼恩君作官  
未三載歟忽聲華滿京國上殿至尊屢舍笑入座公  
卿皆動色嗟予潦倒恒愁饑伏處真如禪中蟲林頭老  
甕傾漸乾月俸不充沽酒直丈夫但免巾帽請此生敢  
辭藜蕡食朝來束帶出門望火雲升似峯崕崕羲和揮  
鞭更翕霍麥父賜死鄧林側發狂大呴若不止咫尺一  
見何由得那憑爾輩為霖手盡挽天河洗結轄坐着看雷  
雨濯亨塗道上清風生習習野夫翛然奉懷退鼓腹康

御歌帝力

秋夜不寐三首

孤館夜不寐，寒衾轉蕭索。  
驚飈振庭柯，落葉無隱處。  
離憂靜中起，羈懷益難廣。  
獨起撫朱絃，殘燈耿虛幌。  
應龍果何物，飛騰在斯須。  
氣喧烟霧蒸，降雨沛九衢。  
喉下差差鱗批之能殺，軀那因微欲牽。  
眷畜同凡魚。

我愛庭前柏，經霜常綠林。  
上有千歲禽，唳月揚清音。  
直節無旁柯，顏色忘冬春。  
人云桃李花不言，蹊自淺青青。  
歲寒姿樹此，豈無陰。

詠漢史三首

援臂將軍恨未封，老居列校衆。  
久中秋來射虎雄，心在

自挽藍田十石弓

朝夕常糲粟一囊先生索米底湏忙可知殿上容君住猶勝前人遠弔湘

聖主賢臣从寂寥子淵一領徹中朝如何麗藻誇難並只爲君王賦洞簫

見入京鄉人

启家西溪上我家東溪頭君家門前水我家門前流憶得初別君扁舟趁潮發豈無澄清志自擊冲流楫鶴來騎瘦馬復踏京華春半年靡薄祿韋負頭上巾怪君亦奚爲跋涉三千里乍見故鄉人還思故鄉水水中何所

有蹙蹙多勞魚昔時魚尾赤問訊今何如

病中放元白放言五首

急景奔騰去似梭鏡中華髮奈他何西尋弱水無舟楫  
東望龜山乏斧柯銜石鳥應悲力少號寒蟲自覺聲多  
幾時借得鶯生管窮谷吹來遍太和

九陌千輪闢萬鞍誰人不願老長安生貪周顥黃金印  
死貽王喬白玉棺舉扇遮塵寧得了拖薪止火果然難  
滔滔東下元無底幾見天潢倒郤乾

病非麌魅復非狂筮得爻辭勿藥良未達三尸行出戶  
難驅二豎已離肯夢中帝所聞天樂海上仙人乞異方

說與時流渾不信靈臺贏得自清涼

魚遊萍藻戀沙汀鶴破樊籠入宵冥各有升沈依本性  
苦將桎梏喪真形魯邦展季甘三黜楚國靈均愛獨醒  
蕙死蘭枯元不惜只教留得自芳馨

叅知天地是蘧廬去住奚分久暫殊有時儘堪生柳樹  
此身行便作桃符刦殘尚問灰存不柯爛休驚局換無  
一擲得泉君莫笑爭禁明日不成盧

又咏漢史三首

一篇書奏草然驚漢殿人人說陸生知道多時交絳灌  
帝前日日爲通名

犬馬餘年戀主私汲公遺語使人悲如何不悟淮陽謹  
忘却狂言妄發時

賈樂才華蓋帝庭鴻都詞賦報新刑天如留得中郎在  
好爲君主校五經

撰西樵考功誌文畢寄阮亭戶部

恍忽相隨把袂時幽明難間兩心期敢云下筆不加點  
竚喜臨文無媿辭比似東芻應恨薄即同挂劍已嫌遲

予諾阮亭請

予諾阮亭請

友生投契猶如此況爾連根荆樹枝

月 下

此夕天邊月寒光逼寢幃可憐欲誰照空自費清暉只

益吳牛喘能驚魏鶴飛故園南望裏老淚強沾衣

立春日口號三長句

十日閉關如蝟縮今朝啟戶正逢春且從閭闈瞻新象  
也把衣冠振舊塵竊祿自知慙補報歸耕祇合恨逡巡  
鱸魚尊菜方才過江柳山梅又促人

四十四年歲底事兒時嬉戲憶還賒盤賸有青絲菜  
簪髻稀逢綠勝花已信形容安老醜并無魂夢到繁華  
開箱試檢春衣換半在西隣酒姥家

今是何曾減昨非行藏計拙轉相違潛魚凍久應忘躍  
倦鳥驚多更怯飛破榻空懸留客少羸驂長卧出門稀

軟紅塵土東華路猶喜無能上素衣

又三絕句

夢醒微聞放輶轎探春庭院到還無黃鸝百舌無消息  
愁殺城頭白項鳥

鄭虔先生飯不足陶潛先生杯不空便道春來商法遣  
在家爭似在官窮

蘆橘黃柑柿柰梅上林多少樹新裁庭中獨倚枯株笑  
敢道東風爲汝來

亮工石公二侍講裕菴檢討同坐花下

步屢過從不厭賒暫時忘却在天涯聊携清聖渴賢酒

共對朝開幕落花寂惜娟娟當曉日誰憐袞袞陽風沙  
豪門不少新移種庭院深沈錦幕遮

送魏中翰蒼石從

王師駐防山東余兄時任充

丞治河傳聞東土大旱末章并託問訊

翩翩東征士萬馬如飛電注矢激流星被甲明秋練清晨  
超乘出噴噴都人嘆中有一儒生白服揮羽扇隘塗  
尤屬目之子先邦彥機艸陳琳羞記奏阮瑀羨詎止伏  
一籌實乃握全箋長揖玉帳前抗舌不肯卷能全介胄  
徒猶狃登時變黔黎樂祚席道路安乘傳始知尊俎功  
他人莫能先

戡外良匪易輯內誠亦難惟民實邦本本固邦乃安山  
東股肱郡天府資屏翰其地苟孳奠三輔斯不單年來  
困杼軸男饑女號寒麥苗既罄盡桑棗復摧殘榛菅狐  
夜鳴晝探赤白丸中澤聲噭噭入耳應悲酸古云十萬  
戶今但遺瘡痏赫斯我禁旅將士何桓桓湏先衛良善  
豈徒詰暴奸吾后有至意君其告登壇

萬國爲陸海神京乃寥寥轉漕起東南遠輦向幽朔鱗  
鱗千萬艘銜尾奉繩約僅資一線流國命此橐鎗頃傳  
東王旱山林苦焚灼我圭既已罄神聽終寂莫諸泉既  
云匱天水行即涸十里方牽輓五里又滯泊軍興百所

須仰賴在升龠矢庾稍乏空中卦將安託仲氏老一丞  
白髮歎蕭索官小責反鉅仰屋中心怍知君軒車到負  
弩敢前却微聞訂交早班判定如昨叙舊借真酒開顏  
一溫喙君其忿故人前箸指方畧上藉培主計下用蘇  
民瘼因風報京國免戎戎遠懷惡

消息

消息傳難定愁心不自聊養癱多事日纖口敢言朝天  
實滋蟄膳人誰產獍梟茫茫一舒眼氣漫幾時銷

喜元著侍御出獄

金雞早下放孤臣頃刻懽呼動縉紳九死何曾忘

聖主重生真喜答哀親偶設羈禡鬚猶磔為痛時艱哭  
愈頻好語淮南莫無忌漢庭汲黯尚全身

詠唐史二首

軋犖山前暗禱神唐家河朔合烽塵上皇蜀道空流涕  
今日方思先見人

半夜軍中撼帳竿逆賊流出血漫漫滿朝公相持杯賀  
河北都忘史寧于

蒼蠅

何來遽集此相扇實繁徒非時恣緣摸觸虞成喧呼炎  
炎許史宅赫赫金張居前堂封羊牛後堂吹笙竽殘腥

被砧儿足充饑腹娛奚爲逝不遑顧乃萃吾廬書生道  
百甿此外食籍無耽耽瞶微渥吁嗟亦已遇豈爾興儻  
耦反厭窩門趨高門翕附多趨捷當不如我匪隘色容  
與汝氣類殊揮肱有餘力斥去奚躡噏虞翻幸未死爭  
客且無須

短髮

蕭蕭短髮不盈巾猶逐諸賢馬足塵牛世已成莊叟木  
一官長作漢家薪枯筆秃排千管臂弱弓彎罷六鈞  
祇有憂天心未泯才教開口又防嗔

無題

黃旗催戰出丹墀  
郡國儲胥恐莫支  
未見長繩能縛賊  
空聞短檄更徵師  
客愁多似方抽繭  
世事危如乍累棋  
爲訛中朝焦爛者  
殺牛置酒定何時

中秋夜對月獨坐三首

乍雨却成別是早雨忽晴如有期  
人誇方滿際我惜漸虧  
時消息誰相待升沈自不知  
此中能會得何用問危犧  
遠霧參差奏明河淺澹流清光  
能皎皎孤客共悠悠敗  
砌吟蟲襯卑枝宿鳥幽寂喧隨物  
感我意總無留

楚蜀方添戍江閨未息兵  
國憂今日急民命此時輕  
短杵傳隣怨長謠識旅情殷勤  
半夜月好照鐵衣明

飲亮工侍講庭菊下四首并請黃山學士同作

嗟君庭前菊才踰二尺強擢秀無人震不言彌芬芳細  
枝青玉潤繁蕊黃金香襲時飴雨露早見吟風霜他家  
豈無花華屋高筵張粲若列綺繡艷欲奪姬姜我思匪  
伊存相遇等道旁胡此獨延佇百迴嗔難忘草木有臭  
味托根君子堂

有草名維蕙厥狀頗類菊青莖間翠葉經冬鮮如沐菊  
性甘且和食之薦嘉福蕙苦如艾蒿中更含辛毒如何  
送顏色歛忽奪我目為辨湏及早芟除貴神速種菊勿  
種蕙期君共相勗

屈子餐落葉至今清沁齒騷客借品評千載稱芳美胡  
廣飲菊泉百齡負譏毀惜哉神仙藥遺穢等馬矢彼菊  
奚與焉好醜你人耳今日植君廬他年親君腹囷逐有  
靈均榮壽有伯始請君擇於斯勿自貽菊耻

堂下數竿竹堂上千卷書所喜菊有隣維聽翳不孤况  
復三徑開招尋來吾徒無勞白衣送主能買百壺菖巾  
漉花前觴行如輓轆浩歌靈府寬頓覺逼仄除一醉便  
欹枕安知非吾廬笑彼芳蘭花日憂當門鋤

附錄

張貞生

病起惋葵芭獨感彌矯強叢桂近金粟繡紛蚕減芳

橘柚圃中叟翁北鮮餘香彼羨庭前菊曷嘗示矜張  
裸色均承露正色更凌霜天然如霞子騎龍薄齊姜  
幽人願比德移之就坐旁譬我性情交紱佩矢弗忘  
緬思昨夕會湏記蘇子堂

癖哉晉處士種林兼種菊種林偏醇醪種菊厭膏沐  
所託在素心亦與爭厚福徘徊籬落間冷賞遠蟻毒  
非美方家言枕之足譯自招集寫清風客來喜不速  
易愧彼孤芳滿飲交相勗

蓮以君子埒菊以隱逸齒韓公題晚節鐘子稱五美  
柰何蠹蠹之滿葉遭齧毀剪刀急殲除未嘗費一矢

聲罪蟲何知物與人同耳虎而翼者紛贅哉謹操履  
蟲賊乘間侵壞心自此始角死猶可憐心死實可取  
餐英不能飴剪葉不能書或曰角性傲霜節介以孤

惟傲實凶德狷潔豈其徒睨視諸耽遂高士許挈壺

四序元代行循環若轍轘焉得獨寄傲習氣盡蠲除

陶漱中且和萬物共蓬廬胡用太倔強為汝帶經鋤

富川令劉君殉節詩劉名欽隣江南儀真人申順

治辛丑科進士

富川碧血射虹明劉令孤忠此著聲賦笑南朝惟若水  
帝鷺河北有真卿往來食肉心多死抗愾衡鬚氣獨生

兩聖崇儒三十載可無一士重科名

附錄

魏象樞

千秋完節日星明舌在猶聞罵賊聲  
漠水秋高勞將士  
富川血碧動公卿魂依北斗升還降廟食南蠻死  
郎生聖主方憐臣義重建教青史大書名

張貞生

讀書心事蓋棺明可慨風聞只附聲志遂休言歸井  
里節高何必位公鄉城池雪奮趨誰死草木御悲哭  
爾生人豈不知君父義漫云激烈是沽名

悶極對酒戲成此篇

人生恰似蠟附磨蠟敬右旋磨向左萬事紛紓難預料  
百憂鬱結空如鎖絲從染後任白黑粟入臼中隨揚簸  
我身自愧非至人焉能無可無不可卻思此際真難遣  
安得濁醪洗磊砢忽聞駔車道上馳兩頰流涎日先哆  
呼童急挈鷗夷沾新麯盛來玉光瑤中聖中賢亦偶然  
相逢且莫論丘軻才傾一盞顏色醺再傾一盞冠幘墮  
興到何妨狗竇窺狂來直上木杪坐門外風波首不知  
一任歌騷與側柁

阮亭入都久不相見悲喜交集即事四首

與君三載別人事靡不有百憂搗枯腸有似杵春臼飄

蒲領上髮早衰愧蒲柳君顏方郁然於鬢只如舊新亭  
風景殊舉目淚沾袖神州忽陸沉誰與狂其咎猶聞窪  
室中鳴鐘正飲酒軒車爭道馳但誇熟矣手焚棟且不  
知奚暇慮焚牘稍稍吐憂恤往往得訕詬吾願糊其心  
不復辨可否共君贊無言相對惟指心

溫溫孝功君粹矣瑚璉器對之心自遠澹然釋勢利如  
何弗憇遺綏爾便委蛇新成一抔土宿草已如篳斯人  
招不起揭裘對難弟把酒話疇昔俯仰疑夢寐向我噭  
然眴眼枯反無淚浮雲慘不行陽精忽淪墜始知匹夫  
誠可以動天地強思慰一辭肝腸亦先碎感此在原情

為君廢橐棟

小小美羽翰所業在縹緲左畋右復渙射勞解一償晚  
來始自悔時室磬張張宵夢一鴻生歲冠初雲長衣間  
被寶璐隱耀朗月光笑我枉辛勤名首同面醬敗絮如  
荆棘何時得康莊覺起視庭際星河未渠央恍如飲沆  
瀣心腑生清涼誓將翠條生往求聖津梁盤旋周孔地  
游戲羲文場安能守雕蟲立班與楊曝溫芹味羨獻  
君幸勿忘

古人重進德尤貴得師資麗澤繫大易伐木廢風詩求  
友于今世岌岌其難之宗國無君子子威焉取斯翼々

魏先生言行稱今師齊心對屋漏儼與九賓期我媿私  
淑久悔客猶日滋君為其曹郎寄旦得相隨江漢黃鶴  
郊絕之湏魯雞大圭費雕琢良工堪礪治莫前美莫彰  
莫後傳真知兩賢如繼起千載此一時

過阮亭不遇書壁

疲馬無所造出門還遇君披帷人不見獨坐又斜曛徑  
草澹逾碧林蟬寂更聞清風來入戶宛似未離群

天雨屋壞說疎學士貽詩相慰為賦六章奉答

鵲巢緣風遷蟻穴因雨移智不如二物坐見此屋隳昨  
夜棟忽折殷殷南山雷誰為王夷甫而受排牆灾

匡坐三歲餘容膝良已足雨工何不仁敞忽壞我屋壁  
如新宮災對之三日哭禍匪降自天握粟思出卜  
病臥移晷旁舍下濕上復穿室中縛葦幾人渡學蟻緣饑  
鳥噪檐際跕跕疑飛鳶何如馬伏波曳腳望青天  
雨來風浩浩卷尾秋蓬根妻孥咷咷且槩涕羹聲紛紜我  
耳同懸瑱衷然如不聞仰首視屋漏不媿復何云

我憊鐵衣手六月戌萬里鶴鳴羨婦歎歸室未可儻自  
慚糜薄祿端居誦經史琴書無恙在一笑斯可矣

東隣陳學士大廈今一木貽予破屋萹閔我情何渥願  
言得斯人卑東國之軸寒士生徽顏長庇萬間屋

破屋行

陳廷敬

破屋不任葺四壁空嵯峨夜半風雨至屋漏成洪河  
漂搖增繁憂夏秋連滂沱崩騰奪視聽耳目被傾邪  
詎惟錯昏晝實恐陰陽訛重穿脊端餘瓦委迴波  
空梁燕雀飛蝙蝠伺其窠禽鳥饑為身所見理則那  
黃鸝翅膀濕亦如嬰虞羅悲鳴如有訴翻懼彈射加  
偏側南巷士移居近西家書籍正捆載瓶罍亦紛拏  
房如邊雋鶯我如盤室蝎破屋雨不止壓覆將如何  
感君有同患寓意于詩歌

讀阮亭蜀道集作

巴蜀地形天下無西控關隴東荆巫自從秦人始開鑿  
彊與上國通舟車古來奸雄盜名字其間窟穴遍天誅  
行子佑客試一過往往霜雪生頭顱王郎學王尊不肯  
為王陽一朝叱馭去萬里單車長兩川人士舒頸立麻  
衣夾道如堵牆王郎奮髯吟一聲上掩奎壁無光芒下  
視鄉人淵雲葦汗流疾走走且僵江山物產百難狀一  
一攬取歸奚囊王郎去後人事改戰鼓南來動滇海逆  
臣片紙持入蜀百城望風先瓦解居民大半化狐狶井  
邑俄然成廢壘譙周子弟作俘囚諸葛祠塋供樵採前  
年官軍收廣元蠭賊釜底同游魂何人逐逼師不進時

乎一失難再論坐令兒豎復堅壁士無宿飽艱留屯軍  
旋草草復不戒犀兕之棄同塊壘病中聞此搥胸臆  
國家豈遂忘三尺

朝廷寬大固有體姑息或恐非長策井絡天彭蔓草深  
幾時再覩使星臨可憐蜀道真天上空向王郎向裏尋  
阮亭以人所贈山居圖示予有感題三絕句

千樹編欄一曲渠西間茆屋半床書江南何地不如此  
只少閒人肯卜居

昨夢經過舊宅東青蓑倒着卧牛宮鄰雞無賴驚眼起  
羸馬依然九陌中

相携拄笏立多時但解朝衣也未遲好似漁洋山下路  
使君那忘舊題詩

漁洋太湖諸山之一阮亭嘗過其地愛之自稱漁洋山人

寄弟

驚心如駛惜流年赴壑修鱗去不還燕拓終經一番綠  
吳鰲又見幾迴眼廚空尚有東方米囊澁長無趙壹錢  
媿爾加餐勤致語杞人終日只憂天

同阮亭戶部相比說巖兩學士登慈仁寺佛閣

衰年作客便慵惰長安只如井底坐今朝桀閣相隨登  
一峩臨雞瓮新破仰睇中央閣道遼下窺雨戒山河大  
三條九陌平似掌來牛去馬旋若磨憶昔耶律始都此

歷金元明彈指過高軒大車還在眼折輶脫輶非一箇  
如此家居豈不好纖兒撞壞誰能那中原遺事共誰談  
淒涼翁仲草間卧我欲跳身四海游視棄妻子輕浮唾  
大人一釣六鼈翻龍伯之宮愁揚簸迴睹蟻卿方轉丸  
死抱糞壤歸平奇貨造化未得便休息吾曹那忍辭饑  
餓歸來蒙被汙浹背素衣幸免繙塵浣

附錄

王士禛

化人閑世恒河沙老松攫地龍衙衙盤空閣道下無  
地妙香似有陀羅花吾衷作客不稱意每逢望遠疑  
還家三關寥落毅行鴈宮闕霏微千點鴉翰林三君

負公望高文太册流滂葩惜我旅病色枯槁頭網屢  
許分宮茶兵車轉轔指荆楚門外蕭蕭多馬趨從來  
決勝在廊廟豈有群盜煩梳爬書生平無五尺筆中  
宵倚柱徒咨嗟罪言欲發但指口遙山西脚低殘霞  
戲題階前秋海棠

一捻妖紅欹起遲華清卯酒未消時窮捨那得君王笑  
好與先生破皺眉

和阮亭秋日遇訥菴讀書齋兼懷汪大

苔面無人破常思雙屐行雅君數來往相對見平生肯  
作身名計何多太息情却輸吳苑客叱犢正秋畊

附錄

王士禛

翰林官自達疲馬獨行吟日午炊烟寂閑門落葉漫平生有知己高卧洞庭陰莫謂升沈絕千秋共此心

咏史二首

王陽忼慨士談經瑯邪東一朝徵赴闕被服何雍容上書陳至治責難首肩躬意欲興禮樂再還三代風天子覽書笑迂濶哉是翁道高不偶俗醜正衆所同公卿莫推輓淹卧伏邱中惟有彈冠者千秋憶貢公

吾思作僕射不如飲酒樂渠豈不愛官難免中心乍世固哂我愚我亦苦世縛便令希韋脂終然成朽鑿常恐

十州鐵不能鑄一錯以茲凜失蹕若履春冰薄望古邈  
興嗟素懷庶可託

感秋呈環溪先生

秋風秋雨鎮相牽更被哀蛩喚不眠興世無求寧愁爾  
閑身何計轉淒然眼悲東海裁桑地心憶南山種豆田  
聽說乘桴再三喜取裁應媿昔人賢與先生言及  
未官故云

宿通州水月菴故人朱錫鬯客龔使君所悵不得

見寄以是詩

明月如積雪招提悄無人朗然入懷抱鑒我鬚眉真徘徊  
舊宇下脉脉誰相親故人朱夫子聞居此城闉入幕

稱上客不數都嘉賓我恨別來潤鬢結苦未伸徑欲披  
其帷又畏桓公嗔相思但搔首一夕素髮新題詩倘君  
見知我款款因皇都淑氣蚤風光漾新春我廬雖有無  
榻尚懸梁塵況復酒家姥近移住西隣珍珠滴槽紅入  
口味尤醇君車無四角疾來莫逡巡解褐賒隣酒疑尋  
共評論

題水月菴壁時傷簷山先生之逝

九達三市暗塵開此地如何絕點埃松樹欲枯龍忽蛻  
竹花無實鳳空來已知西日頽難駐長恨東流逝不迴  
苦憶臨岐珍重語久要寧肯負泉臺

成給事貽詩却贈四百字

窮巷不設羅羣雀晝喧闐忽聽剥啄聲從我兩版傳云  
是成黃門遣使貽詩篇展誦未盡紙喟然發長歎長安  
仕宦路車馬若雲烟夫子秉亮節趨舍異特賢大冠張  
如箕唯君不慕官積金高至斗惟君不愛錢奚為挹感  
感音促多煩煎誠知體國意憂憤寄所宣方今寓縣急  
不啻身倒懸滇閩首糜爛荆蜀繼劉夷臣慙愈桀驁群  
寇獨糾纏王師出經歲未見奏凱旋單行賴宿餽士  
馬始騰騫一日費萬金何可令久延計臣持籌坐仰屋  
目徒穿近聞賊稍逼氣焰涌秦川山河百二地烽燧相

接連處處繁螟蠣戶戶化螻蟻此輩皆赤子

皇恩沐多年如何甘附賊盜羨我戈鋌中間詐無故所  
宜察其端得非長民者撫馭或乖焉朽索糾六馬反更  
嚴築鞭從來制勝策貴在防未然曲突徙薪功居焦  
爛先誰能將此語一奏重瞳前

朝廷置臺諫耳目責所專庸庸厚福子出日懼尤慤獨  
君著謙直受知

聖主偏此誠國大計呼吸安危關伏蒲早論列片言可  
回天何用徒悒悒枉費餐與眠三代士執雉耿介性不  
遷伏節死官下寧許身安全予本竊祿人進退屢遭

尚卿孤婺恤未肯輶饑寒君詩觸我緒一為寫纏綿還  
期鑒愚贊庶勿負奉奉

梁水部贈洮河石研歌

梁生貽我古石研肌理細膩格端正滑于十五好女膚  
光如一片青銅鏡問知此研產洮河岸百遍感激多  
自從逐臣反秦地關中震震持于戈洮河遠隔秦西岍  
烽燧連天行旅斷十萬貔貅河上屯只言持重休輕戰  
至尊宵旰坐楓宸王劍時聞及寢門紛紛盡是承恩者  
碌碌真羞食肉人白頭老淚迸雙落書生未肯甘高閣  
觸事彌存報主心撫時益切匡君畧夢魂昨渡洮河隈

按繩手縛逆臣廻持君此研將何用游草三軍露布來  
敬哉先生招飲容闋即事二首

先生幽興寄東山早沐一君恩許賜間杖履追陪塵壘  
外壺觴狼籍畫圖間童携麈尾花邊至客賭碁枰墅畔  
還底是當歡聞歎息應知憂國意相關

西陲消息苦常難烽火頻薰夕照寒四海已如懸磬乏  
舉朝猶作覆盂安感時鬢益新年白報主心餘舊日丹  
自笑書生雙涕淚無聊只好向公彈

目曉

昧日由來世所同豈期今日到衰翁濛濛祇覺霧長在

爛爛俄驚電忽空敢向人前爭白黑不留燈下校魚蟲  
連朝強起摩挲看為說充天日再中

送徐生

徐生苕川秀文穎世無匹少年愛奇字頗能讀雖寃往  
者官辟雍校士實所職衆中覩徐生奚啻獲尺璧今春  
辭親闖跨馬返鄉國吾家太湖西距汝不咫尺甚思樵  
釣美亦欲投冠幘他時如過訪扁舟得良覩荒齋何所  
有草木猶蓊勃乞生為十詠聊以書吾壁

大風效退之體二十四韻

大塊積噫氣蟠屈空中動萬壑寧怒錦有若決防壅逢

逢鼓不歇長驅勢莫韁初驚溟渤翻百川恣橫澤再疑  
地維坼條忽變傾洞脫屨馬奔牆度險師喧闋金鐵慘  
相戛電霆轟交縱摹寫艱悉狀震悚絕餘恫豈直發屋  
瓦實懼折梁棟爰居遠邊魯六鷗退過宋我情二禽同  
縮頸思入甕洪範五行占樞衣重維誦竊聞至道世庶  
徵符敬用疾風或鳴條前聖嘗內訟狂恒非休祥厥咎  
亦頗重矧茲歷時久昏靈晨夕共簸揚箕星愁傾階義  
輪恐目昧動觸物足縮行踏空刮骨刀鈎寒著面矢鏃  
中拔木盡僵仆殺蟄太寃痛橫虐乃如此銜楚誰與控  
上帝本至仁爾敢公盜天心憂夫若何仰首一長慟居

高冀聰卑勿謂天夢夢

玉汝下第見過作

北去南來似踐更看君幾度上書符無波枉擊三千里  
不售緣無十五城將母可能忘薄祿榮身未必是浮名  
春陰愁思俱難遣濁酒荒齊細細傾

花下

吾庭不半弓雜植竹木繁娟娟丁香花詎吾西南垣陽  
春三二月桃李曜朝暉此花如靜女婉孌獨不言豈無  
心中恨待與何人論兩年吾對汝惻惻暗傷魂默坐細  
推測恍悟倚伏根寂寞少權渝榮盛非久存天機自啟

閉人理孰畔援呼童急布席花下開清尊

比日阮亭相見輒誦雲翎詩不置戲作此貽阮亭

并示雲翎

先生二十年稱詩齊魯諸儒皆愛學通未聲教益廣被漸合東西并南朔海內詞人紛牛毛一一低首奉繩削朝朱暮黑不停手點勘都是時賢作金鐘大鏞音並奏豫章鄧林枝交錯我但崛強未下拜自顧門庭太蕭索梁谿馬生好年少後來之秀才卓犖與我譚詩頗稱久風義周旋宛如昨分年工書復報罷可憐有目俱同瞻

雖恥

朝廷失此士却喜我得私褚橐匹夫被褐非有臯懷璧  
未免心中怍常恐大力負而趨果然還被先生攬逼逼  
一士何輕重看汝絕勝得官樂竭來向客盛誇詡獨自  
把卷細咀嚼先生門下富才彥生今一旦折其角我詩  
蘭弱意凡近不中莫俊作準格如生瓊瑋誠異寶大圭  
合付玉人琢只愁藉生欲待老失去懷抱數日惡先生  
詩體世爭尚人稱濟南王氏脚生也當仁辛毋讓他年  
衣鉢洵可託有所聞時定告我勿如顏苦孔之卓

寄家人

處則為遠志出則為小草子生昧良圖識理苦不卑卑

躬仰薄祿所得誠已少寸進退尺翼髮俄成縞猶然  
於微尚志不在溫飽旁人咸怪叱胡子太顛倒如子求  
仕宦魚上竹竽妙我聞亦大笑君警亦何巧再拜謝良  
言啟予功非小年今近知非世事宜彌曉本乏濟時資  
被褐中無寶

朝廷急少俊惜哉顏駒老皇天雨露弘安用潤枯槁幸  
獲白首歸長饑固自好休嗟筋力衰耕獲尚可了荷鋤  
有餘暇遺經足蒐討作書先報汝令知我懷抱舊廬無  
恙在門前時一掃

酬玉汝孝廉

采金鑄范蠡買絲鏞趙勝多君歎歎心懷抱靡不罄我  
哀首無能窮老一身併徒持匹夫志謬託達人命苦節  
或難貞長貧諒非病衆棄獨居取情親含貌敬使我賈  
餘勇年徂氣彌勁特俗姑臧眉謨訟今方減婉嬖季女  
饑獨宿空閨靜安能重點屣再與倚門競

送孝感相公罷政歸楚四首

先生逢聖主盛事古云難帝室尊蕭傅蒼生仰謝  
安君恩寧易報臣力最言憚神完門前路如何忍挂  
冠

任重辟情繫名高衆忌歸祗知據勁節誰憶蹈危機出

岫雲無意投林鳥倦飛好將鍊石手轉一補漁機

殷沃心良苦功應冠禁庭有言皆塞謬獨主想儀刑

丰部惟論平語終身在孝經難難吾道重容易付沈冥

中夜台星暗傳君去國徵登車當落照回首見觚稜楚

水裝同薄燕雲恨共增本末一措大錯認舊擔簦

杜祁公言

吾本越州一措大令  
罷相仍是一措大也

送成我存

成公比魏公忠蘡略相似世人譏踈慢帝但謂城媚

一朝忽移疾抗章堅避位天語曲慰留再請始獲遂

賜歸復增秩光寵軼儕輩君明重臣直令我發深喟

一日九遷官未若茲榮最

東風扇淑景草茅青且柔居行巾車新出門即道周馬蹄去駕速孤心獨悠悠停輶一迴望直北指

皇州舊時出入零五城十二樓閣道相轡環森森樹幢旒如何忽不見但有浮雲流咫尺猶萬里矧乃路阻修江湖雖云遠豈能無憂

飲王九青侍講齋次日有詩見示奉答

愛君官閣幽庭下羅蒿蓬宛然仲蔚居閭戶延清風我非二仲但聞暇相遇從君為具壺觴談笑許從容北牖出西山巖壑窺玲瓏歸雲挾飛鳥恍惚躡奇蹤東林復

吐月徘徊入簾櫳流光若積雪蕩我塵網意念與良會  
暫恰與佳景逢已忘今夕驅猶寄九顧中君詩振高唱  
大聲何凜凜予亦發微吟哽哽草根蟲但資風義合寧  
計詞格工敢云牛鐸音調共黃鐘同

附錄

青山而初歇新涼上庭砌剪蔬羅盤食綠薄蕪過賈  
況與數君子綴蘭結素契分座列高臺颺颺南風至  
久迹城市間草木鮮嘉歲欣瞻天宇曠遠林吐蒼翠  
胸中有丘壑何處非幽寄落日下併蕪暮鐘起樓際  
槐花墮階黃丹螢流衣袂明朙朙樹冷冷清露墜

傾觴聞晚香。高談羲軒世。懷彼若昔人。終夜難成寐。  
阮亭遣人告予云考選。命下幼華得給事中。敬  
芝亦授御史。喜而賦此。并呈阮亭。

王生叩門貽片紙。使我入戶屐齒折。呂侯也戴蕙文冠。  
令弟復入青瑣闈。二子經年卧空廊。竈突稀烟草。騎絕  
公卿何人肯。延譽升沈由命非。巧拙吾

皇垂拱闢四門。八荒之遠庭階列。拔十得五詎足異。知  
人其難。

帝則哲得士。端屬興朝慶。豈為朋友私。相悅竊聞盛名。  
不易副輶轡者。汗暎暎。缺只今窯縣正多事。眼中戎馬。

太騷屑方州民瘼難細數  
廟堂袞職那無闕食粟都  
是馬立伏藏身却如蟬鬻葉試思白華緣何簪無乃青  
蒲亦虛設二子奚以答

主知勿因直木愁先伐王生頭白老卽署日抱文書袍  
袖裂予亦偃蹇承明廬耳聾目眇牙齒豁杞狂憂天計  
常過魯女恤緯心還切車輪腹內百千轉欲憑二子吐  
辭結朝拜官歸夕上書想見古人舊風節

與友人飲酒五首

茲酒清且美何如顧建康汪汪照尊卣湛然几席光我  
素不名飲而頗知卒章惡酒如暴客蠭人勢莫當涓滴

乍沾吻芒角突擰腸甜酒如倭人柔媚非善良多食苦  
煩悶閼鬲暗受傷拒之恐不速那敢洗醜嘗顧獨愛茲  
酒一舉盡累觴不狂復不狷廢幾比中行冲和得至味  
令我形神減古稱君子交唯淡乃久長

京洛多貴人張筵日兼夕名酒產四方不胫走都邑寧  
愁道里遠徃來輒置驛人肩或顛仆馬背時汎溢每計  
一罌到何啻十金直減題後再拜輦載輸豪室貴人酒  
苦多對之宛不識譬若漢廷上用人常薪積棄櫟壁落  
間累累等埠埴我如楊子雲一鵠求未得茲酒偶然至  
相夸動顏色雍允面未及啟飲器色屢拭折簡召我友引

杯同岸情清聖濁亦賢從容考其德物遇良有時奚用  
多惄一笑彼井泉冽終古歎不食

唐堯罄千鐘尼父盡百觚季路苦嘔三十榼不能無兩  
聖暨一賢相望千載孤看君比長鯨一吸無江湖入室  
或未復升堂諒有餘我飲不五合欹倒湧人扶醉中發  
高詠猶自述黃虞鄙哉斗筲器斯豈聖人徒

吾愛劉伯倫飲酒得真味五斗羗折醒浩歌過朝市若  
看如此人底物視富貴一鉢動隨身即是蘧夢具形軀  
尚作達外嗜那足累不見衛與霍戚里重天勢起冢象  
祁連今亦成平地欲澆一杯酒括骨無生氣

昨日公卿側逐隊前上壽低頭不出氣有若三日婦酒  
行盡膝席四坐停觴火仰面吐一言騁胎不嘗走今朝  
遇故人雨中剪春韭發醅新甕香饒涎免流口促坐共  
溫喙淳似脫械杻不知烏雌雄那問獸牝牡指我頭上  
冠譬彼堦前帚董龍今安在此是何雞狗君母多酌我  
恐我酒狂否我狂醒較多醉來復何有

別敬芝侍御

千秋夫志共覩摩惜別其如遠道何十日留君猶恨少  
一人知我亦為多寒灰自分難然火古井懸知不起波  
正是湘風淒緊節要從霜雪辨喬柯

予久慕湖東黃太冲先生恨未之見四明董孝廉  
過訪詢知為太冲門人于其南行作此送之并

寄黃先生

會稽有大儒世系出忠門黃童名無双白首晦丘園六  
經探奧窺百氏窮淵源躬蹈丘興軒不宥託空言清衿  
數十徒講誦徹朝暮曾經其指授規矩秩存我聆聲  
譽久仰止情彌敦一官苦束縛負笈失討論董生家東  
海獻賦來

帝闈視我頌一篇浩々三峽奔所言雖甚夥仁義實本  
根進止更可觀語笑藹春溫都雅周容勿貴重魯璵璠

杯同岸情清聖濁亦賢從容考其德物遇良有時奚用  
多惻々笑彼井泉冽終古歎不食

唐堯罄千鍾尼父盡百觚季路苦醢醢：十塗不能無兩  
聖暨一賢相望千載孤看君比長鯨一吸無江湖入室  
或赤縷升堂諒有餘我飲不五合欹倒湧人扶醉中發  
高詠猶自述黃虞鄙哉斗筲器斯豈聖人徒

吾愛劉伯倫飲酒得真味五斗羗折醒浩歌過朝市君  
看如此人底物視富貴一鉢動隨身即是龜穸具形軀  
尚作達外嗜那足累不見衛與霍戚里攘天勢起冢象  
祁連今亦成平地欲澆一杯酒枯骨無生氣

昨日公卿側逐隊前上壽低頭不出氣有若三日婦酒  
行盡膝席四坐停觴少仰面吐一言騁詭不堂走今朝  
遇故人雨中剪方春韭發醅新甕香錢綻免流口促坐共  
溫喙洋似脫械杻不知烏雌雄那問獸牝牡指我頭上  
冠譬彼階前埽董龍今安在此是何雞狗君母多酌我  
恐我酒狂否我狂醒較多醉來復何有

別敬芝侍御

千秋矢志共覩摩惜別其如遠道何十日留君猶恨少  
一人知我亦為多寒灰自分難然火古井懸知不起波  
正是朔風淒緊節要從霜雪辨喬柯

予久慕湖東黃太冲先生，恨未之見。四明董孝廉過訪，詢知為太冲門人。于其南行，作此送之，并

寄黃先生

會稽有大儒，世系出池門。  
黃童名無双，白首晦丘園。  
經探奧窪百氏窮，淵源躬蹈立與朝。  
不宥訖空言，青衿數十徒。  
講誦徹朝暮，曾經其指授。  
規矩秩々存我聆，聲譽久仰止。  
情彌敦一官苦，束縛負笈失討論。  
董生家東海，獻賦來。

帝闇視我頌一篇，浩浩三峡奔所言。  
雖甚夥，仁義實本根。  
進止更可觀，語笑藹春溫。  
都雅周容，刃貴重魯璵。

驚問所師誰答云是黃君聞之增慨慕寸志暗自拊膺  
如觀河者源源必岷崐便欲裁尺書司風附南雲縹邈  
沂天始渟溟究無垠陰陽所管攝方冊所羅陳聖狂何  
懸濶王霸何剖分一一質茫昧了了破糾紛書成再三  
讀羞澁還手焚符筵撞黃鐘如何不逡廻徒詢容貌異  
那得聲歎真在昔文中子道學猖河汾韜迹隱弗仕著  
述擬丘墳高第房魏流祚唐為名臣吾學苟措施奚必  
在其身先生富門徒半作王國賓斯道已有傳奚用嗟  
沈淪

興朝急求賢側席心殷殷安知榮荆外旦夕無空艤北

面脩盛典憲乞禮數勤予亦得挾冊亟丈時相親勿著  
羊裘去蒼茫烟水濱

附錄

黃宗羲

三百五十字授來自脩門意欲規感興麗不數文園  
誰開塲屋眼而滌濂洛源讀之再三嘆洗濯出佳言  
吾聞玉峯麓莊渠割昏曉此心為主宰屹如砥柱存  
辦否展餘千十輩歸玉敦千城意自遠碎鉢何足論  
一傳為震川月臘開九闔文章以載道不與江河奔  
太史金闕秀學不離天根源深流自長仁體春風溫  
何意罍汎中有此瑟若璠念予處幽筭何得御李君

風期托想像求日而燭捫吾徒辱贈言朗月照崑崙  
茫然數難端口吃類子雲隱公已未來治亂留其根  
何條可設施慷慨未敢陳為學五十載菽粟真不分  
崇王及賤霸衆說徒紛紜當身試證之不能救巢焚  
始信本領闊寥宇方週巡不然朱墨行為儒恐未真  
所以介子推拖桂枯於汾欄子幼失學患難屢破墳  
幽情發思古面目誠主臣姑置四海大未能康一身  
寡爾文有娛無以答戲賓收豕海上老所嗟非隱淪  
斯民方憔悴何以返夏殷聖學將墮地何以辨朱纁  
其責在公等學優而仕勤危舉天下溺豈徒門人親

勿令吾鄉校竊議東海濱

秋夜念漢書二首

田賓紛紜廷辯時。千官屏息望階墀。  
酒杯銜隙真嫌細。賈豎爭言大可悲。  
疑有短芒常負背。更多長劍欲擣頤。  
當年汲鄭稱遺直。只為猶能是魏其。

東海蕭生帝佐才。談經誇口著丰裁。  
忽驚敕使宣傳去。遽趣門生和藥來。  
深殿涕洟還似雨。中書歡笑竟成雷。  
如何一紀為天子。師傅難逃白首災。

往年謫宦上林今秋再過其地戲題二絕句

昔年謫宦此逡巡。衛衍依稀記尚真。  
父老寧然能憶我。我

來時謝龜請比隣

陵遷谷變只須臾笑我能成一事無覩得兒童齊拍手  
使君新換白鬚鬚

拜少宰孫先生墓

拜公床下幾何時執手丁寧後死期忽見荒丘今永閉  
忍將宿草更重披眼昏難認題碑字腸斷還尋柱劍枝  
一代可憐文獻盡傷心不獨感深知

祠旁鴉

散似灰飛聚作團荒祠攫食暮烟寒金九年少從旁過  
盡說神鴉不敢彈

徐生入都耶去詩以送之

憐君衫袖滿埃塵，往日風流剩角巾。  
苦吟端不救身貧，還同郭樂思奇士。  
自失荆高少酒人，匹馬擔簷又南去。  
蕭蕭落木滿闕津。

次韻答山中人

萬卷千竿奉一身，雲饒水濶豈為貧。  
無端杯酒尋常醉，有幾離花次第春。  
魚腹好客獨醒客，松毛穩卧不言人。  
長沮舊宅君令主，肯向淄澗一問津。

董孝廉蒼水入都詩以訛之

青山破帽老騎驢，尚有狂吟癖未除。  
入市搖頭誰識女，

遙人擁鼻只愁子囊中留得一錢不篋底羸將萬卷餘  
聖主若求詞賦客雄文今日似相如

淨業寺荷花

玉立亭上照水孤繁紅縷綠勝渠無清光雅稱閑僧供  
靜氣如披高士圖楚服裁驚衫製異吳箇飲愛茗香殊  
巡池為共繆堪濯不遣飛塵到鬢鬚

送劉教諭之唐山故相安丘公長子

一經且莫歎蹉跎韋相傳家事若何每念恩施同戴獄  
忽驚歲月似流波自從東閣工墟後時過西州慟哭多  
白首門生情尚在郎君今日又鳴珂

示周生惟念

枕草以為鞠，斬木以為棋。猶不可無法，而况乎學為古  
稱在三義，所重厥難師。傳道與解惑，舍此其焉資分誼。  
一以定服事，終不移。如何傾蓋間，輕以名相施。周生賢  
詰，裔卓犖。質奇姿樞衣，登我堂再拜起。何遲我驚嘿，內  
慙歎應。批言詞，長安十二門。冉轂交加馳，豈無吹噓者。  
寒谷生春煦，掉頭逝不遑。顧此窮且羸，得非生所慕。其  
在于道而吾少，不自重平祿。思逢時，席羞尺寸獲。恐致  
丘山隴，晚節始追悔。蹉跎抱深悲，彊勉費餘勇。此意未  
知衷，多生不我棄。感激動心脾，為學所失戒。在隨俗習

非立志苟卓然奚患建堅卑神聖為奧突善信為臺基  
切問為津梁勤學為階梯吾聞之前人歌奉等著龜今  
何以益生請誦此語胎生如汗血駒蹀千里蹄歷塊  
洞一瞬萬古羨權奇我老困伏櫪兀肆筋骨疲卧聽鼓  
鼙鳴昂首還長嘶師友雖已邈風義諒可追數學恒得  
半期生為予規六籍方洋洋庶幾可樂饑

爲汪舍人題畫

高樓烟暝欲微昏黃葉聲中自掩門疑有幽人棲梧坐  
嗒然終日竟忘言

憶吳中城西宅二十二韻

憶得幽棲處  
城西景物增  
教稼依冰石  
三伏失炎蒸  
白板扉雙閉  
烏皮几獨凭  
閒常芟竹徑  
閑即理漁罇  
桐露清晨重  
荷香靜夜凝  
披襟能灑落  
散髮任鬚蓬  
扇圃於月桃  
室滑似冰厨供  
杓項瓠溪薦  
折腰菱自檢書  
千卷堪消酒百  
升紅菽花當妓  
白拂客多僧覓  
勾行時遍圍棋  
喚不應小兒學  
跳丸稚女解區  
蠅買鶴添新料  
分蜂換舊稱  
松知導歸慣雲  
讓卷舒能何亂  
昆為侶梁鴻婦  
是明可應齊北  
郭寧復羨東陵  
倏忽離三載艱  
難出百層拊髀  
羞寂絕絕膝恨  
騰騰火宅誰能拔  
烟宵凝忽昇行  
藏溪鳥笑顏貌  
野漁憎望遠心徒  
切懷愁病莫勝

今朝談往事惟有淚如澑

蒼水移寓戲訊三首

人生非鴟牛安能行戴屋看君席未暖旅舍已屡卜六  
月黃塵飛炎天正三伏一馬逐二童情思何遑遑先生  
本勝流行李亦不俗摒當舊琴絃提攜破衣籠飛蓋與  
甕醬鑊時佐充腹鵠夷咸餘瀝尚可葛巾漉此外無長  
物擔荷一失足只愁吟參富盈箱復累軸九牛壓弗勝  
須覓千斤續

新舍何所有君言有驢畫愁船耳聾夜苦侵夢驚有  
如衆楚咻鵠舌無時停如何王武子愛之比琴笙子別

亦佳士作意胥其聲乃知世所尚美醜詎敢爭乎秋韓陵石礪角今已平

便便十圍腹昂昂七尺軀先生偉衣冠朝爲來此居文  
神欲打頭空膝謬無餘未徃路旁子駐馬皆知弱朝多  
賢公卿風雷化呵噓曷不蚤薦母孰若統鍾立之在  
闔闔高誄陳黃虞渠渠復腥肉豈不承權與誰載爲君  
謀喰彼非良圖世路苦逼側公門詎坦途先生有心胸  
先生有眉鬚奚捨我頗笑強隨衆步趨此壘誠已卑俯  
仰任卷舒入無妻子謫出無長官拘糟糠苟不憂曲肱  
夢蘧蘧君王雖有問真奏東封書

蒼水過寓招阮亭駿孫同飲前一日得細林山人

書限箇字

侵晨乾鶴聲喧呼兒言今日高軒過我居此廬近兩載  
門前客來有幾箇董侯落拓偏好我屐齒剗衝苔面破  
空梁一搆懸已久為君拂拭留君坐急尋東鄰處與王  
共酌濁醪慰輶軒自從都城斗日霖華輪摧折萬蹄旋  
眼看滄海便橫流誰能手障狂瀾那書生未暇憂人國  
闕情桂王愁寒餓今夕何夕把餓望屋角斜挂明星大  
爾曹雄辨復哀哀頓令驚聽失慵懶昨朝接得細林書  
恠我虛名被網邇譬如北斗不可挹譬如南箕不可簸

廿年游宦百無成。團園空似驢。逐磨田園蕪。盡只不歸山。  
靈有知。寧免垂以茲。孤懷忽觸撥。鄉心半夜難抑挫。  
天明朝簪真可脫。那惜衝泥整鞍馬。勸君對酒且為勸。  
此廬我豈能長卧却。愁公等再來時。高歌擊筑何人和。

附錄

董俞

玉堂故人折簡招。彭王二妙聯轡過。冰颯冷侵爪。葉  
鮮蘭醞香透。黃封破。何來青衫一腐儒。脫帽銜杯據  
上座。自憐潦倒走風塵。偶憇燕市解鞍馱。荆高死後劍。  
客稀誰能擊筑。雜哀共相逢。舊好三太息。生也形  
神頓挫。桂丁年意氣盛。莫當昔何其強。今何悽。自從

瓢落無所容萬事生平盡慵惰一官刺促復何有駕  
馬猶然戀豆莖聞君此語發狂喜頓令身世忘坎河  
逝當長往老此中秋風羈宦誰能那

著水以荅阮亭四詩見示意似誇其捷者戲柬二

首

董生瀟灑似青蓮年酒揮毫滿百篇舉世盡驚人手捷  
何不能學捧心妍不愁吟苦鬢枋禿寶劍忽書多腕怕穿  
便欲把君詩過目開來搔首問高天

王郎狎主齊盟父常笑南風不競無海內敦盤皆下拜  
惟公鞭弭微先驅雞鳴親秉鐘鎧鐸馬首辟驚墨大茶

漫謂諸侯已服晉黃池今日歎先吳

同魏侍郎環溪先生寄李學士厚菴二首

李時春  
諱家居

疾風勁草共稱難真信喬松耐歲寒此日敢云臣節盡  
奇歎惟覺愧心安人間大有當為事天下從今看眼看  
自古盛名非易副期君努力荅彈冠

屈指征輶盼望頻音書忽到淚痕新帝方需爾為良  
弼天恩教君作鮮民讀罷蓼義應有恨聽殘風木轉傷  
神顯親他日無窮在聊復裁詩慰故交

附錄

魏豫樞

閩海由來禮義鄉妖氛忽爾報猖狂奴顏婢膝真無

賴大節孤忠信有光問道蠶書混分在中朝綸綺  
聖恩彰平生學道今方用自愧衰庸老侍郎

心戀彤廷出戶難至尊父已鑒忠肝絅繆鄉土休  
道策保護家闢莫苟安忽挹椿庭千古恨可憐苦塊  
一身單生芻蕘寄闕河阻靜夜題詩月色寒

送杜侍讀三絕句

數載承明獻直廬一朝解組意何如五經同異姑拋却  
且檢山中種樹書

長安拜免幾公卿過眼浮雲不繫情忽見巾車出都去  
登僂今泊羨君行

日望東吳萬里船  
趁風飭飯舵  
樓眼自憐微祿猶縻却  
輸與先生早著鞭

水闌馬上口占

荷葉如錢綠漸抽  
兒鷺拍拍散中流  
可憐騎馬黃塵客  
羞向清波照白頭

偶成

不識平陽完全看  
拂面花春風是何物  
只許在君家

說巖先生書春帖子見貽口占奉東

衡門兩版對居諸壁上烟煤嫩自除  
客過併無題鳳字  
使來忽接換鵝書偶有以達齋見寄懷冰雪真相似長  
道先生轉遺

坐春風可得如珍重先生嘉惠意碧紗籠著宵分踐

和

陳廷敬

我亦漁樵憶孟諸相隨簪華玉階除敢云逸少無臣  
法紙覺中郎有異書秘殿敷言長獨對龍箋承  
旨更誰如耕花欲頌慚庸劣諫果封題意未疎原注予以

微攬奉  
報先生

和說巖先生丁巳除夕前韻見示

牢落非才合含諸空教閑雀鬧庭除曲肱寂愛邁邁夢  
仰面時驚咄咄書常笑賣生尋李主早羞楊意薦相如  
送窮文就還燒却與火盤桓未忍踰

原作

陳廷敬

黃塵白髮送居諸客裏。忽忽又歲除。節物一尊殘夜酒。年華幾卷舊時書。心情去日多無處。夢想浮生畧自如。只是天涯遊子意。青山遲暮信音踈。

和說巖先生戊午元日再疊前韻見示

廿年踪跡尚于諸慙愧。交遊籍未除。秘禁旣陪趨。御案直廬宵對檢。官書每憐襪線千條似被覺。宮牆數仞如獨有銜恩。知共切而心許。國不曾踈。

原作

莫向東風弔。望諸黃金恩重讓。新除頻年霄漢依。經

幄縠紙龍鸞捧

御書師友平生 夫子共文章當代幾人如春來崇政朝朝會名迹相親應未踈

憶故山 四疊前韻東說巖先生

家傍東吳鱗設諸恩歸日夜未曾除夢題笠澤波間寺心憶靈威洞裏書後樂先憂公正在昨非今是我還如終期一奏 重瞳聽乞取江湖養拙踈

和

陳廷敬

傳柑時節見桃諸物候恩鄉未破除自愛松風弘景夢已多經笥鄰侯書某丘某水今無恙公望公才世

行磨東吳故人數見招客我高齋時一過蟬聯清話  
每向夕羈思消除旅顏破長安麌米擅高價斗酒清  
錢三百箇西隣貰得命杯鎗軒牕堆盤細剗對高歌  
不歎食無魚鄰茗餐加齊魯大王卽賓有箕願情珠  
玉纊紛生味唾董生本是疎狂人白社相尋能唱和  
吟懷俊快鷹得霜飲態清妍梨飭坐停杯更詰細林  
遊逃名有客耽高卧葛帔綃巾勘俗緣橫琴散帙留  
清課翠微長任白雲封青山肯受黃塵涴只今天地  
未休兵湖海風波日掀簸袞袞京華多貴游出入承  
明奉朝賀掃除禍亂還太平勉在群公相擔荷我今

舉世憎文筆哦耶輒遭貴游嗟逢掖固知非俊物屠  
販居然無奇貨奚為白首不追悔詩人例應獲窮餓  
眼前勸爾盡一尊仰視簷角星斗大王子郎署宦不  
達彭郎祿位亦轄軒學士蕭散江湖情情吟抱膝愁  
無那小臣忝備顧問列大事諸公既負荷生平痼疾  
烟霞深南望雲山隔紫邇因茲間話九峯遊九峰主  
人同唱和此子落拓謝浮名廿年高擁白雲卧遙思  
幽築青山巔梅花千樹竹萬箇箬笠荷衣世外裝飴  
魚調鶴閒居課言罷知君少宦情仙骨肯教繁華涴  
賤子無端京洛遊自笑筋力汗謁情明細拂衣歸去

宋一犁春雨耕黃穉

王穉

長安風塵日，城堞扇障不能衣。苦澆天官祚，占月離  
畢十日愁霖足。高卧高車大馬諸貴人，今雨蕭條誰  
肯過玉峰學士家。相見打門不辭泥沒骭，今朝置酒  
招我飲。黃雀披綿靖鮓剗，百杯以後醉醜奴。白絹斜  
封朱印破天下健者，今董公富貴浮雲輕。涕唾彭郎  
朱奉一囊粟，路鬼揶揄母凍餓。抱膝誰信此管樂，高  
論依然溺鄉軒。世情莫問牢石邪，女子猶知伯休那  
酒酣岸幘忽大笑，吾曹營蠶絲自縕累青山。一髮江南

路雨笠烟蓑有幾箇細林主人老耽隱枕上九峯青  
錯磨漁樵近局不爭席復有名僧伴高座空山水流  
花更開不識都門送臨賀我生未覩細林而聞君快  
語殊已殫此海經<sub>見</sub>當年我作萬里游劍閣西風聽鈴  
駛凌霄九峯梅輕別筋駕肉緩回體惰他年但乞五  
湖長纔繞話蓆鱸口先哆未湏木石笑吳兒小海歌時  
我當和

彭孫遹

經年未已一囊粟侏儒飽死東方餓朝來庭菜忽坐  
飛感此芒芒意推拄出門四顧安所之短驥躑躅

得如欲解朝簪先讓我青春雙鬢又蕭踈

立春日五疊前韻東說巖先生

九十春光信有諸六分取次一分除唐人云六分春色向人以正月十二日立春則六分已去一夕矣客來獻聽新生事老去愁逢未讀書  
撾鼓燒燈誠欠此焚香掃地亦悠如西園桃李休相笑  
松柏青葱那便疎

和

陳廷敬

陰韻從茲盍去諸懸河注水想難除偶然節物供題  
句終古齊名有讀書原汪先生齋紅蓼綠蒿生尚細頭曰讀書剪能如已過臘酒黃柑會與數交游晤合  
宮花幡勝剪能如已過臘酒黃柑會與數交游晤合

跋

贈高澹人

手寫新詞進九天  
局王一箋驟爭傳  
謾他江令無才思  
枉費宮中十萬錢

葉文敏公集

詩

五月三十進講紀 恩

讀絕督范公遺詩

南書房梅花盛開呈夢敷學士澹人舍人

正月盡牡丹開已爛熳戲示夢敷

賦長句有序

恭遇

太皇太后萬壽節敬賦五言十韵

閏三月二十八日 賜御書賦七言二章

西域貢獅子行

詔觀西洋進貢獅子

賜觀 御製詩集恭紀十六韻

九日直南書房同說岩夢敦限韻二首

錢宮聲以咏寓中葵花見示讀之深有感爲賦此

以廣其意

金文學穀似用蘇黃往來韵作詩見寄賦此答之  
穀似復疊前韻見示適江南信至秋秫初熟釀酒  
可望

大雪口號三絕句

贈陸嘉定稼書

穀似再疊前韵見示又次二首

王先生寓予邸舍苦無酒飲

送宋員外至贑州

口占

題吳侍御山莊

村舍

上馮相國二十四韵

元日早朝

蒙拜翰林學士處

恩述懷四首

賜魚恭紀

四月十五日恭紀五言二首

賜文雉恭紀絕句四首

溫泉恭紀六首

題故人畫鶴

送慕廬兄歸楚

秋夜宿陳吉士顥侯止軒作

嚴朱二徐四檢討夜集

寒夜

題翰林院壁用東坡清虛堂韻

彰義門外書所見

郊外偶作

道旁老松樹

寓舍花

題盆梅

和就斯學士新歲韻

夢至一閣有人凭闌引手招予旁一人曰其諸勿  
卷也覺賦此詩

吹竽

十四夜

偶成

書所見

送友人

二月二十八日題善果寺壁

寓舍對花歌

集黑龍潭仍用前韻

紀恩詩三首

八月四日奏事瀛臺門 賜食恭紀

送趙浮山

送范秋濤

送張杓齋

九日過長椿寺

與鄉人南來者

秋日同友人過善果寺作

吳孝廉歸自塞外

葉文敏公集

詩

五月三十日進講畢

皇上天語慰勉賜講臣

御筆各二幅元臣趙孟頫書不自棄文石刻一冊方萬  
侍講未久叨預茲賜感恩慚報悚仄難名恭賦四  
韋魚呈院長陳說嚴講學張敦復兩先生

兩月橫經侍禁林踰幅真忝

主知深已驚

天語頻繁至更被

奎章寵渥臨盛事敢誇千載遇殊恩難答

九重心蕭蕭華髮慚衰劣喜色朝來忽上簪

玉軸琅函賁尚方開時

御墨正淳香頻教拜起

天顏近祗覺瞻依日角長賜出班聯皆動色捧來道路  
盡生光采知今夜蓬窓下佳氣時時燭斗旁

聖代欣逢少棄材孤生那忍負栽培鹽梅最喜爲時用  
喻二先生葵藿還憐傍日開肯笑孫弘虛再出不教王式悔

重來壯行幼學生平志側目從知免俗猜

上賜不自棄帖深寓戒勉之意故云

太皇太后萬壽

皇上親書賀表恭進

慈寧碧繩金液既極銘華鐵畫銀鈞永昭法則臣方藹  
入直內廷得蒙

召侍左右既窺握管兼沐

溫綸儒臣榮遇於斯已極敬賦長句一篇以志遭逢之  
盛

聖孝垂千襍文思範八荒何當承

御幄復得奉

奎章仁壽宮連洽釣陶禮樂昌

天言逾黼黻妙墨粲琳琅十體銀鈎勁三臺寶翰良青  
開蜀錦麗翠展越綃長鳳翥神俱王龍驚勢欲翔豐筋  
卑篆隸仙骨陋鐘王運指闕飛動齊心自肅莊神明森  
桀蕤變化出尋常絢爛丹霞景參差碧月光泥金飄錯  
彩拂素鬢沈香穆穆堯堦上依依舜陛旁覆盃憑牛極  
窺管慕寧馨有喜知偏早難名頌莫贊

皇仁尊養至珥筆媿鵠行

恭遇

太皇太后萬壽節敬賦五言十韵

紫極璇闕迥神霄黼座尊雲開臯月麗爾雅二月春布爲臯月

禁苑追陪二十春向來名迹最情親承恩屢許同前席  
拜賜猶能接後塵玉陛從容魚貫入文茵分列雁行陳

常思鄭重

君王意共誓丹誠拱北辰

讀總督范公遺詩

遺詩讀罷涕縱橫字字真從血染成但見叔孫祈速死  
公自言不食十日求死不得  
誰尋先軫面如生公死後忌者燬其屍人鬼巧滅  
忠臣口天欲終全烈士名置目東門看跡入知公幽憤

也應平

南書房梅花盛開呈夢穀學士澹人舍人

姑射仙人玉作肌自矜曾笑百花遲豈知耗質非凡境  
更喜當暄最勝時戴向瑤釵偏覺好柄來翠羽恰相宜  
誰憐籬下寒香在也望春風到北枝

正月畫牡丹開已爛熳戲示夢敦

傾城一箋奈君何絕有銘華合避他色艷祇緣承日近  
先開原爲得春多初醒乍濕陽臺雨微步如凌洛水波  
若使旁教擅翠袖定應添却玉顏酡花皆因必催出  
事無綠葉耳

恭惟

皇上德侔堯舜道嫓羲文敬止緝熙就將泮涣至於游  
藝所至無不神奇天縱超越古今茲當

景風溫分福惟

王母承懽得

聖孫祥迎萬歲殿慶溢九重門表奏奎章換

上親製萬壽表文手書

獻以庭充寶幣繁宮縣陳在陛籥舞綴當軒彩戲龍俱

躍觴行鳳欲騫

西京雜記漢廷有王叔刺作鳳皇

上壽

形弘慈深雨露純孝

錫乾坤一代崇閨禮千秋願復恩小臣歌既醉拜手仰

重閣

閏三月二十八日

皇上親灑宸翰頒賜從臣人各兩幅臣方藹獲與焉  
主恩臣遇于載一時恭賦七言二章

龍牋兩幅日星凝

帝語傳頌肅拜興直向倉軒披奧室俯看羲獻絕雲仍  
一波欲挽千鈞擎三折真垂萬歲藤知是化工名莫得  
拔天測海愧無能

墨池春暖漲恩波曉日光先上駟姿自幸身頻沾雨露

忽驚影欲傍星河寵同類署知還倍宋太宗皇帝為翰

玉堂

之署

四字

以臣方

之

所

叨

聖

賜

為多

榮

比

登

床

較

更多

唐

臣劉洎

登

床求賜書法以臣方之形沫聖恩尤厚永與儒臣增盛事千秋青簡待編

摩

西域貢師子行

皇帝御寫十七載化東漸海西流沙欵闋重譯走萬里  
梯高航險輕舟車都人謹誦貢獸至隘道轂擊肩爭摩  
臣時橐筆侍丹禁但聽傳說相咨嗟喙多音雜語非一  
盡驚異物聲呀呀雄筋附骨太碨礧拳毛垂體何鬚鬚  
爪利千鈞積沈鐵皆翻百炬凌頰霞喙呼恍疑撼山嶽  
蹴踏直恐堙江河謫徙不數夏鼎勒瓊詭足使山經誇  
小臣聞此內鬼省吾

君聲教誠無涯

聖朝詎貴難得物遠人輸蓋良可嘉西旅之契越裳雖  
盛世豈必遮荒遐

皇心母乃欲柔遠區區一獸寧足多

勅付虞官掌芻秣隸之熊館與席倚臣退文伏考圖記  
此物實稟金行奢在上星精應太白譬之于器爲莫邪  
山林所至百獸伏亦如王國有爪牙剛勁端可作士氣  
古人所以軾怒蛙況乃

聖主正垂拱能變獵戾皆中和太閽明臺輯羣瑞侯尉  
何異共一家雕題鑿齒盡來會進琛貢賚紛如麻此物  
亦同百獸舞騁虞麟趾奚爭差小臣再拜復獻賦敢策

虞監無才華

八月六日於神武門

賜觀西洋進貢獅子

神物何時降海涯，遠隨貢使出天涯。  
思瞻化日依靈囿，欲薦浮雲駕鼓車。  
百獸舞中看獨異，萬年圖上見曾賒。

宋人萬年瑞應圖後世多撫之所畫異獸形極多未若今所見之威神也

遇竊紀來庭盛樂府，慚無好句誇。

八月十八日蒙

恩賜觀

御製詩集恭紀舟六韻

唐德文恩首虞徽濬哲名負圖龍，出字吹律鳳諧聲。  
吾后尤天縱，皇王絕莫京。禮園時疎咏，書圃復崢嶸。散落

星雲並鑄章綺繡成六經同黼黻五典比篤厚民物紓  
宸慮山川永

睿情片言蘇萬象一氣宥群生

特勅教披覽

溫綸更疊斧捧來霞的爍拜起日光明彩識金符絢音  
聆玉琯清遏費颯開爽躁競忽和平戴丰神常竦瞻霄  
體欲輕幾人沾異數畢世沐殊榮管區知寧大纛惟見  
海盈端如聞廣樂七日寤還驚

九日直 南書房同說巖夢敦澹人諸公限韻二

首

禁裏秋光似水澄校書終日對良朋恩深共擁三重席

戴憑與諸儒論經勝者奪席過垣

不勝者席過垣

刻

寒近先恩

半臂綵

宋子京修史

半臂綵半天暮齒自羞識路馬

子

奇最哀而

光俊才真羨得霜鷹

蘇味道與王無競同直蘇才俊相

人自為九月得霜鷹以况諸公相

看詩興誰憚徒儘讓蟬孤及早登

諸公詩皆就子獨未成

獨向佳

大官法饌笑時叻

唐宋九日賜侍臣法酒繡糕

大官之饌矣

辰感二毛幸免風前欺落帽祇愁筵上怯題糕

用劉夢得事

心驚白雁秋空迥又比黃花晚節高下直渾疑身尺五  
中宵銓索夢還勞

宮聲以詠寓中葵花詩見示讀之深有處焉賦此

以廣其意

秋清孤館對蕭辰  
暗下幾葵吐艷新  
縱有妍姿誰肯問  
祇緣幽意倍相親  
叢疎尚耐風霜在  
根淺還思雨露頻  
君若傾心能向日  
移裁上苑豈無因

附錄

錢中諧

一點葵心竟未枯  
蕭辰還見漾紅樹  
雅知杞菊芳非晚  
轉覺松篁韻不孤  
弱植那堪凌勁草  
衰叢偏得媚寒蕪  
朱門詎少移根地  
可似荒庭衛足無

金文學教似用蘇黃往來韻作二詩見寄賦此答

之

吳綾半幅剪秋水中有奕奕銀鈎書顛倒細數百十二  
顆顆俱是驪領珠君才雄妙曠世無譬諸萬斛龍駢如  
動天之風古來有歸渺媿我非江湖

鴻都門下威奇字三體尚有中郎書滿堂諸生競鵠雁  
薏苡豈能誇明珠曲學阿世昔所歎孫弘側目固自如  
人生窮達由命耳肯為三公輕五湖

附錄

金居敬

碧山學士愛閑居下直閉關多著書靈臺清明書墨氣  
絕勝五色牟尼珠長安索朱宮匡廬公郎屢空常晏如  
人間風塵不到處玉堂清坐如江湖

草玄學易十年餘  
今來重校孔壁書  
百家傳注都貫穿  
何用燕公記事珠  
承天將雖何善謔  
一官不調公泊如  
但要舉而錯之耳  
勿為尊鱸思五湖

可望

寂寂莫撻王融車  
咄咄莫作穀浩書  
江南近報釀新熟  
小槽殷紅滴真珠  
君方彈冠去未可  
我將拂衣行得如  
醉拍銅斗歌嗚嗚  
竹弓射鷗巴城湖

吾友韓侯性耽古  
縹筆手續素玉書  
愛士不啻如賈胡  
直欲剖腹藏其珠

穀似寓元少第昨往奉訪

基嚴竟不得見故云詔書

昨者

延名儒為子躊躇端何如願子早陳六符事憂君今日

惟江湖

附錄

金居敬

短章矣矣捐篋笥長歌率爾詩代書枉沫長者論投報  
咳嗽隨風天雨珠廢事愛閒日益愚子雲君鄉遠弗如  
岑年單絞未俊物白鷗浩蕩沒春湖

神仙字豈飽蠹魚徒向人間鑽故書昏俗心阮太尉  
睫淚不化鮫人珠得公致君堯舜上端憶曠如與奧如  
微侯相印直敵屣為佐刺船浮五湖

大雪日號三絕句

官舍蕭寒剥啄無羽風撼戶似驚呼日高厨冷炊烟斷  
天為狂成卧雪圖

破絮蒙頭凍不支中宵憂國睡來遲比隣鵝鴨聲喧閑  
夢裏三更入蔡時

三寸毛錐百戰餘長槍大劍比何如平滇露布新裁就  
盾鼻橫磨手自書

贈陸嘉定稼書

華鶴繡轂九衢間入室清風獨往還舉世誰思千古在  
惟君不放六經閒鳶鯉偶覩堪乘興塵土雖蓬不上顏  
聞道近來多一事出城只爲看西山

穀似再疊前韵見示又次二首

毛生年來老而秃中書君今不中書世人未知失上意  
猶將魚目呼為珠四時之運成功退應侯蔡澤何絲如  
豈待賀監七十餘始向君王乞鑑湖

君豈南山縛虜師何妨暫學人間書晴投往往遭按劍  
夜光之璧明珠卑之無甚高論耳折揚皇輦里耳如  
昂昂勿作駒馳坂泛泛且爲鳬浮湖未詩有讀之未  
喻其妙者故云

附錄

金居敬

溟云奏牘上公車曾無兩令僅勝書何當自贊祇自責  
川媚不掩水懷珠公家種秫釀桑落自可封致胡醒如

巴城會待 宴翰賜比似鶴山與石湖

軒轅彌明滑稽耳詩聲愧非侯校書

春酒

老亦有和詩以

酒相詣

故引石

其清

詩

此聯句謂石鼎彭烹荷斟酌逃禪纍纍百八珠幻住風

堠五葭琯吹忝功名帶礪如吾家甫里有敝廬散人無

號揚江湖

王先生寓予邸含苦無酒飲

荆高市上化爲塵誰與先生作主賓但有三升堪壯膽

嘗若無一斗宜呈身

事

王續襟懷寧著纍纍綬意氣平

摧獄獄人挂壁鷁夷空在眼因君轉恨我長貧

書愚山少參送黃君詩後二絕句

牽衣泣別最堪悲不信真成永訣期歸望國門那便哭  
猶疑白髮倚閭時

故國三千驛路塵哀猿落日吽還頻不知流血能多少  
腸斷東西南北人

送宋員外之贛州

急徵中宵零征客侵晨發如何行役期恰值苦寒月  
事有嚴程詎敢惜離別馬毛縮短帽去踏堅冰裂稍喜  
前路穩從容理舟楫鼓舵乘江流春潮正層疊虔州古  
名郡維南控百越章貢二水匯環抱形如玦商旅喜居  
至權謙迎使節此方我夙歷風土足怡悅近聞兵火靖

三戶頽寧帖  
鬱孤有高臺  
披襟甚軒豁  
灌侯舊築城  
遺祉亦寥瓦  
直北眺中原  
青天露一髮  
却愁軫故交  
遠思難抑遏  
手折庾嶺花  
目斷燕山雪

口占

天畔秋雲日日孤  
休將腐鼠嚇鶴離  
不知酒醒燈殘候  
一點心還畧動無

長安自古真棋同  
袖手何妨讓國工  
堪笑孫劉成底事  
無過使我不三公

題胡侍御山莊

綠暗過牆樹  
紅明委地花  
誰知柱史宅  
却勝住山家

徑淹

天仗居人稔翠華更聞

宸翰在麗莎發雲霞

上帝幸其莊賜以御筆

村舍

板屋春風對一瓢  
荻簾土锉共蕭蕭  
無妨世上嫌迂澗  
寂喜塵中有寂寥  
鄰寺遠傳茶鼓發  
隔村微見酒旗搖  
分明憶似江南景  
辜負幽人歲歲招

上馮相國二十四韵

列郡青齊大東連  
萬里津地鐘星斗  
異帝賚股肱新儀  
鳳鳴岐嶺非熊獵  
渭濱乘時逢聖代  
姻運賴斯人蚤應

金甌卜旋聞玉鉉陳紫宸扶日月黃閣掌絲綸燮理三  
公貴都俞一德親恩波天浩蕩風采嶽嶙峋袖拂祥烟  
細箋題御墨頻小心常翼翼大議必諄諄翠固思磐  
石綱繆在徒薪長庚光獨旦霖雨澤皆春吐握招多士  
休容識个臣宅師襄黼扇贊化補鴻鈞行使橫戈偃  
將令比屋淳清名傳師範正色厲垂紳燕許文章並夔  
龍事業均志長緣報國髮短為憂民聽律知佳節懸  
弧及令辰尚方頌翠峯別墅會朱輪偃蓋松逾茂修翎  
鶴更馴吹噓慚寸卉游泳託纖鱗糜祿曾無補摵衣幸  
有因惟應頌平格翹首仰高旻

元日早朝

明光待漏曉寒催  
列珮鏘鏘集鳳臺  
日麗禁城雙闕迥  
雲迎仙仗九重開  
競歡上德三元會  
更仰乾文七曜迎  
遙望穆清還暉耀  
無邊佳氣繞蓬萊

蒙拜翰林學士之

命感

恩述懷四首

秘殿朝趨候曉鐘七年

絳幄許從容晝三接處

恩偏厚官九遷時愧更重

康熙十二年五月以編修充講官十四年三月升翰林院

國子監司業五月升翰林院侍講仍充講官十五年正月升左春坊左庶子兼侍讀五月升翰林院侍講學士十六年四月轉侍讀學士經筵講官十二月遷有此七年七月又充

御筆屢教贍翥鳳

袞衣頻得傍升龍平生稽古思堯舜何幸

彤墀咫尺逢

額愚詎敢忘抒忠捧土何能益岱嵩

聖德已周三極溥

王言長並六經崇宵看奎聚占乾象晨檢書籤識帝鵠

糜祿底差無寸補空餘履跡玷

璇穹

麻衣席帽滿塵埃親荷

先皇冕沐來敢道齊賢留異日屢稱蘿軾是奇才

戊戌  
己亥

貞士八都列第一

八月

先皇帝召見親試

列名第

八月

親諭朕知汝久特

拔第教對臣下稱道

為一甲進士又其文

身離斗口驚還在夢挽

龍鬚恨

不迴今遇吾

君重拂拭孤桐果否羨餘材

柯亭劉井昔賢情

明代學士劉定之子亭号浚一牛二人皆有賢

名

其遺跡

至今仰之

異代風流憶老成

齷齪

可能追徃彥悠悠多

愁

負浮名質文尚欲陳

三代禮樂終應俟

兩生聞道濟

川才不乏高岡翻羽聰長鳴

時奉

之士

雲集

音微

聘海內

博聞

闕下故云

賜魚恭紀

太液波涵曉日明  
錦鱗出水浪紋輕  
曾經在治娛  
宸覽忽許充庖荷

聖情所憲銀刀光錯落  
盛采玉盤雪縱橫  
頻捫餒腹沾  
恩重卻愧非賢負鼎烹

四月十五日

皇上躬禱南郊甘雨立霑恭紀五言二首

鳳輦凌晨出甘霖滿  
帝畿遠隨黃鉞至  
細遠翠華飛  
蒼璧祠官捧青詞  
祝史祈最高沾灑  
霑莫溫天衣  
早慰三農望湏知六事虔  
神光流玉峙天澤蔭瓊田雲

密休 充幄風薰入 舜絃却看承 輸艸餘潤亦含  
妍

賜文雉恭紀

雲罩高張

帝道隆頌禽羲取羽毛 豐昔年陳寶徒虛詣今日

君王自獲雄

五色離披墜馬前 俄欣登俎味芳鮮 分甘共賀文明瑞

不數安仁射雉篇

越裳渺渺緜堪馴 不蓄珍禽自

聖神要使在廷恩耿介特傳

天語賜詞臣

驚看葦彩出仙庵爲摻鹽梅濟泰交七筋幸沾真雨露  
何湏還筮鼎三爻

溫泉恭紀

何來瑤竇濺珠新皎潔玲瓏瑩絕塵靈液漑成千頃碧  
天波散作萬家春

千里渾河水欲冰寒流此日更清澄應緣地脉偏深厚  
王氣如龍拱孝陵

融融洩洩是瓊漿

聖母同稱萬壽觴解通天心多福應湏知水德本靈長

渺渺神泉脉脉流仙都直欲置身遊此中聖澤深無  
際汪瀛端能潤九州

凝成甘露拂薰風噴薄還應萬古同縹緲原通霄漢上  
綱緼人在太和中

陽春早已遍郊垌溫潤還堪驗水經

聖主不湏黃竹詠微臣殊愧醴泉銘

題故人畫鶴

鶴兮鶴兮女不知鶴之蒼鳥之黑日溷塵埃人不識又  
不能驚同食雞同棲昂藏特立安所依是中風景何其  
殊別老松百圍峭壁千折羨女獨來還獨往惟見烟明

與水濶朝隨羽客去依約到十洲暮逐孤雲還相伴宿  
丹丘衛國之軒女不慕吳王之市女不游山人昔年在  
山下一飲一啄與鶴同山人出山今幾載夢裏時時唯  
唳在見君畫還況吟蕙帳空兮怨復怨蘿壑闊兮深復  
深長鳴欲吸三危寥側望常舍萬里心此身已苦羈網  
久明日拂衣亦何有君應騎鶴三山頭待我東歸一携手  
摩娑銅荻西咨嗟城郭人民如昨否

送慕廬兄歸楚

吳歛兼楚調離怨雜然陳落日螢鳴急秋風雁影新難  
將故去意更對獨歸人一滴思鄉淚隨君驛路塵

秋夜宿陳吉士韻候止軒作

老墮世網厭逼側始覺軒冕非真榮觸藩遂退而失據  
人生所誤緣浮名紛華道義皆可慕魚與熊掌難合并  
二者交戰不自決未便趨駕還紫荆子今乍通金闕籍  
一官項領才云成胡然淡漠安此室筭覬外物浮雲輕  
窓間布席大似掌屋角仰視明星熒空梁惟聞蝙蝠沸  
破窓時覩伊威盈雒誦殷上出金石轔轔那惜飢腸鳴  
上泝羲文下周孔若立參前輿倚衡迂闊毋乃真遇哉  
令人對爾顏發頰牀頭咫尺枕馳道蠅紛燈逐毅壳上  
嚴霜誰不畏凜冽馬蹄東西各有營何如布衾足餘暖

糊糊四體無將迎朔風撼壁轟雷動羨浮忘机夢不驚

嚴朱二徐檢討夜集

黃葉門前徑狹深斷客蹤却憐今夕會共聽帝城鐘未  
穩柄枝鵲難平咽砌蛩論心諧妙在寧惜歲寒逢

寒夜

數卷陳編獨夜燈紙窓撲凍筭癱蛇興衰遇眼悲何益  
非是閑心剖未能仰面祇愁看屋棟安身無過模床稜  
強將濁酒榼懷抱芒刺時時著背膺

題翰林院壁用東坡清虛堂韻

翰林門外風吹沙翰林先生早放衛恠君面目太塵土

經年不識長安花朝咽。蓋鹽暮墜誦蟲魚。瓊細羅百家。  
官舍如冰何所有。高槐踈柳啼棲鵠。猶言讀書洞千古。  
富貴過眼同春葩。飁盪以來路榛塞立忘猛。欲為梳爬  
龍鐘挾冊趨。

秘殿頭綱日費

君王茶天街獨歸。跨欵殿有時。馬策翻倒。過人見先生。  
爭匿笑。先生對以徒咨嗟。畫長絰。腹無一事。笏且看。  
西山霞。

彰義門外書所見

此走江南道。問君歸幾時。山遮將去路。柳卧欲攀枝。酒

合攢眉得書思挂角宜馬蹄行忽住最恨是臨岐

郊外偶作

郊外東風颺酒旗北來南去劇如絲百年渾似下坡轂  
萬事只同覆局棋漫喜春深催草莖終嫌寒緊勒花遲  
從來不信楊朱淚那有無窮灑路歧

道旁老松樹

古松不解何時植但恠龍鱗老益多巢頂鶴翎黃似菊  
傳枝螳翼白于珂摩娑忽作三年別覩賞寧辭百遍過  
韋偃畢宏今未遇無人貌爾恨如何

寓舍花

傅粉施朱恰正匀天然幽意自宜人風風雨雨休欺壓  
讓與嬌鶯坐一春

題盆梅

瓊枝常似帶微酡天上春光占獨多紅杏碧桃誇異種  
和羨爭許得如佗

和就斯學士新歲韻

相看又見歲華新五十無聞笑此身冷碧細傾杓釀酒  
軟紅重試隔年塵處序猶喜能供饗羞白堪悲只受辛  
憶得西溪教椽在一竿春雨待歸人

夢至一高閣下仰眺可數十級有人凭欄引手招

予旁一人曰此七十二峯閣凭欄者諸勿菴也覺  
賦此詩

岐路悠悠誤此生出山泉濁在山清三千餘里客中夢  
七十二峯閣上晴長巍當年結綬意敢忘他日耦耕情  
憐君局戶空囁老猶被誰何識姓名

吹竽

吹竽鼓瑟兩難工遮莫春光望眼中相對盈盈還脉脉  
可堪雨雨復風風間何濶怕逢諸葛得入城羞蒙子公  
豈有浮名滯胸底恠君兀坐但書空

十四夜

撻鼓燒燈罷此歡繩牀布被夢差安眠中濁酒醉亦足  
牆角短檠聊自寬少日曾誇人子子老來真負面團上  
相憐尚有今宵月萬里秋光屬倚欄

偶成

每恨前賢不見我却愁閑卷媿先增無端檢得迦寧史  
似有人曾諫澗燈

書所見

真有高名動至尊臨軒色笑備春溫反風渡虎偶然  
爾今日覩聞長者言

送友人

廿年游宦滯天涯自笑龍鐘玷聖時一領青衫渾似舊爭教君鬢不成絲

鉅鹿春光草色新馬蹄猶帶帝京塵莫愁此去無知已前路應逢解榻人

二月廿八日題善果寺壁

平生孤往懷未忍薄涼歸愛茲片林幽凡禽是藏羽誰英競吐萼枝上輕霞舉濯濯露葉翻猶極昨宵雨化工無停機吾心澹容與塔坐靜忘言風鈴自相語

文貞世儒宗昭代勑能匹典刑究長在俛仰對遺墨

有文貞公前賢愛士心末肯棄樗櫟勝官省道碑獨媿  
戊午歲詩前賢愛士心末肯棄樗櫟勝官省道碑獨媿

中郎筆文貞公臨沒予誌其墓永念知已情欲報忱若失斯人不可作淚落山陽笛

寓舍對花歌

天公子人何厚薄春光亦到蓬戶中東風次第巧粧遍一株高下醜顏紅桃嬌杏婉奚足比細看人面將無同若令嫣然更一笑陽城下蔡難為工老夫漫說心鐵石對此不覺神怡融長安朱門相接連千金買花置房櫳愛花還設紫絲帳宴客時出琉璃鐘可憐託根歎非所年年長伴白頭翁惟愁雨淋興日炙空妬狂蝶兼遊蜂不辭窮窪守寂寞母乃真為悅已容人生相知一亦足

傾城絕代寧易逢。瑤姬神女畫不得。豈于長短分纖濃。  
老大自知才久盡。闌情欲賦讓陶公。

集黑龍潭仍用前韵

老龍幾載此窟宅。泥蟠天飛咫尺中。昨霄試手小霖霖。  
曉來千樹蒸霞紅。臺高地迥足舒嘯。招搖況有名賢同。  
陽春烟景妙。不得恍悟大塊文。章工微颺被體覺。栩栩  
時序歛已近。祝融開牖突見一峯出。西來爽氣侵簾櫳。  
竦身便欲傳烏背。骨裏筋弱悲龍鐘。豈堪跋馬逐朝客。  
但思詔雞隨村翁。下瞰九陌平似砥。千門萬戶同巢蜂。  
此中何處可著我。空有雙膝誰能容。那知造物意偏厚。

清境仍許閒人逢風光若此不愛惜可憐辜負春花穠  
僕射何如飲酒樂一杯且暫輕三公

紀恩詩

勗勗鵠鹿繞張筵列坐真依尺五天恩渥已敷無美爵  
禮隆特許更加邊待方宴鎬追姬日欲比歌汾陋漢年  
彈指洗兵洱海淨還期脯賜徧窮庭

右賜宴

雲錦天章巧樣新匪須在荀澤還均迎風忽迓靈虬動  
耀日應添海貝珍仰睇垂裳欽上理俯慙接纓感深仁  
聖朝來職空須補報稱無能帳此身

右 賜錦綬

翠蓋紅衣太液旁詐期採掇得親嘗沾

恩却比金荃潤辨品先知玉井芳冰滑晶瑩失皎節苦  
心曲折緩深房微臣最是憐秋實羞共春華媲艷陽

右 賜蓮藕

八月四日奏事瀛臺門

上出御膳賜食恭紀

柘黃帕簇八珍盤宮監傳呼畫刻闌常念

君王多旰食翻憐侍從減朝餐三溫綸乍度薰風涼滿  
澤頻沾湛露溥却媿身禁珠樹鳥年年花下啄琅玕

腐儒羸穉艱常踈餽飯。天厨氣象舒香稻玉禾嘗薦。  
日虹膏麟暗辨名初和羹待傅思巖築負鼎師莘憶野。  
鋤牛載登朝無寸補報恩還檢橐中書。

送趙浮山

世路誇年少前賢重老成。為郎寧恨晚畫錦亦堪榮。晴  
樹催鄉思秋風助別情。君歸逢海市始悟盡浮名。

送范秋濤

宦海飄零未有涯。十年短鬢盡成絲。可堪宋玉悲秋日。  
正值江淹賦別時。何客能辭猿鶴誚。此行真遂葛松期。  
羨君奚啻登仙去。西向長安笑是誰。

送張杓齋

惜別意無限相知情若何浮雲京國遠秋色太行多更  
識梨繡出鄉看榮駟過為郎未強仕君豈歎蹉跎

九日過長椿寺

尚有祇林在客偷半日閒何須高處望已覺遠塵寰倦  
鳥盡知夕鶯人獨忘還不辭風落帽羞見鬢斑斑

與鄉人南來者

南客頻看北地來燕鴻越鴻兩忘猜風前共把黃花嗅  
籬下今朝開未開

秋日同友人過善果寺作

予生豈膺廢忍舍斯人徒如何性多畸偏愛逃空虛茲  
境頗間曠興愜即吾廬幽花照岑寂秀木羅扶疎跂脚  
北窓下高咏揖黃虞心神既已豁眺聽亦轉舒便欲息  
黠劇聊用全微軀物役難自由良對只湏臾開門塵十  
丈浩々撲衣裾不見眠坡牘飲齧恣所如明朝衢街間  
還服短轔車

吳孝廉歸自塞外

覆盆何路叫重闇此日生還亦主恩翻訝形容未全  
變割璘意氣尚猶存窮邊冰雪親嘗歷徃事金元費討  
論回憶幼安鑿室處坐穿木桶幾番痕